

Cuengh Gun Song Saw Vah Yozcenz Lauxsae Son-hag Hozdung Youq Gingloz Siujyoz Gawjhengz

Ndwen gonq 14 hauh, bi 2018 daengx gih Cuengh Gun song saw vah yozcenz lauxsae yezvu beizyinbanh ngonzyawj hozdung youq Namzningz Si Vujmingz Gih Daibingz Cin Gingloz Siujyoz gawjhengz. 50 lai boux yozyenz camgya le baez hozdung nei.

Geij bi neix daeuj, Gingloz Siujyoz laebdingh aeu “swnjcienz minzcuz vwnzva, songanq Mbanjcuengh yunz moq” daeuj guh banhhag muzbyauh, caenhrengz cauhguh aen hag “Lwg Gingloz” minzcuz vwnzva gyauyuz binjbaiz, sawj minzcuz vwnzva youq hagdangz ndaej daengz hungzyangz caeuq swnjcienz. Gingloz Siujyoz daj youwzyenz hwnj dangzgoq《Angq Hag Sawcuengh》. Yienghneix ndaej guh ndei giekdaej duenh siujyoz Sawcuengh ngeihloih mozsi sonhag, engq dwg vih saedyienh aen loqsiengj hwng'vuengh minzcuz vwnzva guh ndei gaenjmaenh.

(Yi Cinhlingz/玉昕灵 Vangz Cunhgiz/黄春菊)

► Sonhag hozdung yienhciegz.



▲ Yienhciegz son baenzlawz ndaepfeiz.

Mungzsanh:

Banh Aen Ban Beizyin Siufuengz Ancienz Cihsiz Vunz Daiqbiuj Minzcuz Cunghgyau

Ndwen gonq 6 hauh, Mungzsanh Yen Minzcunghgiz lienzhab aen yienh neix Siufuengz Daihdoi banh aen ban beizyin siufuengz ancienz cihsiz vunz daiqbiuj minzcuz cunghgyau, doiq daengx yienh 4 aen cunghgyau cangzsoj bouxson, bouxguenjieix caeuq mbanj siujsoq minzcuz daiqbiuj gyawj 50 vunz haenx guh siufuengz ancienz cihsiz caeuq beizyin dinfwngz.

Gwnz ban beizyin, bouxson siufuengz cienmonz gangj le cunghgyau cangzsoj caeuq mbanj daegsaek siujsoq minzcuz siufuengz lijun cihsiz. Doeklaeng, saeddieg langhyienj fuengfap sawjungh aenndaepfeiz daengj yunghdawz siufuengz, hawj gyoengq yozyenz hag rox haujlai cihsiz siufuengz.

(Cinz Ailiengz/陈爱良 Luz Yungjfangh/陆永芳)

Sanhgyangh:

Simndei Cien Leix Soengq Raeujrub

Ndwen gonq 24 hauh, Aumwnz Gunghlenz Sinhgyauz Banswcu, Aumwnz Guhbuh Gunghvei simndei banghag-duenz daeuj daengz Sanhgyangh Dungcu Swciyen Linzhil Cin Lungdonz Siujyoz, gien aen-ndatraemx, bingzndatraemx caeuq vwnzdij hagsib yungh-dawz daengj doxgaiq dij 8000 lai maenz ngaenz haenx hawj aen hag neix, lij caeuq dangdieg lauxsae hagseng caez diuq fouxdohyez, caez camnai ranz hagseng gungzhoj, caez damz hagnieb, vih lwgnyez Dungcu ndawlueg yienhwnj simndei naekgwd.

(Gungh Bujgangh/龚普康)



▲ Vunzsimndei caeuq hagseng lauxsae hab'inei.

Gunghcwngz:

Soujgih Cigboq Gai Nouhaet Ciengj Seng'eiq



▲ Soujgih cigboq siugai nouhaet ciengj seng'eiq.

Gunghcwngz Yauzcuz Swciyen Gyahvei Cin Yez Fazcin, 2006 nienz hainduj ciengx nouhaet, de leihungh vangjloz cigboq bingzdaiz siugai nouhaet, byaij ok diuz loh moq vangjloz siugai.

Ciuq cam rox, Yez Fazcinh daj 2009 nienz guh aen vangican bonjfaenh, de daih'it dan seng'eiq dwg gai daengz Sanjsih Swngj Anh-gangh Si. Bineix daeuj de cawz le gai gij nouhaet bonjfaenh gag ciengx le lij bang gizyawz hohdajciengx nouhaet haenx, gungh gai okbae 6000 lai duz.

(Cwng Ciminj/郑智敏)